

## IN DJOÛ D’ ÈSTÉ...

“Non.na, non.na... Lèyoz-m’ trankile... Si vos plaît bén... Dji n’ seû nén ène comére por vos... Kwè sayoz d’ fé ?... I n’ vos faut nén... Maria Dèyi... On porève vinu èt nos voye... Si vosse moman l’ apurdève... Nén ça... C’èst mau... Dji m’ va fini pa criyî...”

Tot rotant, dji ricinéve avou ène sipèsse taye di pwin dauborêye d’djêlêye d’ frêjes do corti èt nd’aler à l’ rêsconte di m’matante Bèrte. Come tos lès vinrdis à l’après plandjêre, èle fiève do rpassâdje au tchèstia. Dj’avève co passé au pus coût pa pa-dzeû l’ meur do pârc. Bén sûr, avou sogne di n’nén pèstèler lès bèlès fleûrs, m’ plêji èstève di trévautchî au triviè dè bouchnisses todi Bén rabinés à l’ cizète. C’n’ èst nén vèla k’dj’alève co mi rtrover au mitan d’ roncias odobén d’ wôtès wârtfyes. Come dj’ avève tot m’ tims, dji fiève l’ distoû pa lès stauves èt î doner m’ bokèt d’ crousse à Bayard. Roncin po tot l’ vichnauve, l’ bèle grande bièsse èstève si Bén ostèiye, k’on s’ dimandève, nos ôtes, lès gamins, comint k’ èle fiève po nén k’ lès tchèrdons do pachi lî pikenuche à song èt discopèci l’ coron, trin.nant dins lès ièbes, di s’ wachoteû mète di tripe. A m’ vîre ariver, il a tapé do pîd èt rîre di tos sès longs dints mins ça n’ m’ a nén èspêchî d’ ètinde ranchî dins l’ rèsère d’ a costé. Nén à m’n’ auje - on m’avève dèdjâ disfindu sakants còps d’ bèrlôder èt d’ disrindjî tchvaus èt vatches - à bachète dji m’a muchî pad’zo ène vîye plake d’ ètèrniit astokèye au meur di plantches. L’ vwè k’ dj’ ètindeve n’ èstève nén l’ cine dau Tûre, l’ vaurlèt ki n’ mi vèyève nén voltîye, èt dj’ a tapé in ouy pa ène craye. Oufi, kén spèctake ! L’ Blanc (savoz Bén, l’ Tîri, l’ fi dèl maujone, dins lès dij-ût ans èt dèl tchvias coleûr d’ blé à l’awousse) donève l’ èr di s’ bate avou l’ fwâte rossète novèle mèskène di sès parints. I s’ èstîne dins l’ ombe èt dji n’ vèyève nén Bén. Maugré tot, i m’ a chènè ki l’ fèye ni s’ disfindève èt n’ bwèrlèr k’ wère fwârt. Min.me è prustant l’ orèye, s’ èstève tot djusse si dji compurdève sès mos. Ça n’a nén taurdjî, sins pont d’ rûjes, l’ valèt a fini pa z-assatchî l’ comére adlé l’ moncia d’ foûr stauré padrî l’bègnon èt, do min.me randon, lî fé s’ î stinde. Por mi, ça a divnu

prèski come ène dèl dorèyès-imaudjes do lîve di mèsse di m’ marin.ne. D’ on còp l’ solia avève tot-èclèri. I m’ faut vos dire ki s’avîne mètu fén djusse au dzo dèl bawète do twèt. “O, Mossieû Tîri, è nn’alève-t-èle, avou ène fèye come mi... vos vos-abachî...” C’èst l’ vrê ki s’ abachève, mins po lî r’lèver sès djupons k’ èle ni sayève min.me nén d’ rabate.

lène di sès blankès têtes, l’ rodjasse mamuron rwède stritchî, rêchève foû di s’ dèdjâ Bén au laudje corsâdje. L’ Blanc n’ s’ î a min.me nén intèrèssî, tot ocupé k’ il èstève à lî amwinrner sès craussès bladjetès cwisses à l’ wôteû d’ sès antches.

Adon, i m’a toûné l’ dos èt m’ fwârcî à z’ ad’viner cki polève Bén tchikner. Todi èsse-t-k’ i s’a mètu à z-aan.ner èt lèye d’ machî èt ramadjî dèl “non.na”, dèl “oyi-oyi” èt dèl “Aaaâaaa”. Ça n’a nén dèl masses di tims duré mins èn nuwâdje k’a passé dvant l’ solia m’ a èspêchî d’ Bén voye comint qu’ ça s’ a fini. Tot rodje èt suwant, i s’a rastampé. Lèye èto èt d’ rabate sès djupons èt d’ brouchter d’ deûs còps d’ mwins lès fistus plakès dsus s’ divantrin. L’ Blanc avève l’èr d’ ièsse mau à s’ nauje. I lî a d’né sakantès lûjantès pîces tot lî dijant di n’ rén dire à nèlu. Èle a fait in pitit sorire èt, r’purdant l’ tchèna po lès oûs, l’ tièsse bachîye, a ralé à l’ cujène.

Dj’ a ratindu ène miète èt fé l’ grand toû po n’d’ aler r’trouver m’ matante. Èle n’avève nén co fini d’ ristinde. L’ mèskène grawetève dins l’ nwâr pot dèl sitûve di Lovin èt rancî l’ feû po lès fièrs rindjîs dsus l’ plate bûse. Èle avève co do strin dins s’ dos. Sins rodji, l’ rossète a rèspondu à m’ matante k’ ène pouye do polî s’ avève èvolé kan èle lî scrotève sès oûs...



On saye di continuer à tot comachî...